

文獻通考卷三十五

鄱陽馬端臨貴與著

選舉考八

童科 小學附

漢書蕭何草律曰太史試學童能諷書九千字以上乃得爲史又以六體試之課最者以爲尙書御史史書令史吏民上書字或不正輒舉劾

後漢左雄奏召海內名儒爲博士使公卿子弟爲諸生有志操者加其俸祿及汝南謝廉河南趙建章年始十

二冬能通經雄並奏童子郎 漢法孝廉試經者拜為郎
年幼才俊者拜童子郎

黃璠以公孫為童子郎 臧洪年十五以父功拜童子

郎知名太學 任延年十二為諸生顯名太學中號為

任聖童 張堪年十六受業長安志美行厲諸儒號曰

聖童 杜安年十三入太學號奇童 黃香年十二博

學經典京師號曰天下無雙江夏黃童 司馬朗十二

試經為童子郎監試者以其身體壯大疑朗匿年劾問

朗曰朗之內外累世長大朗雖稱弱無仰高之風損年

以求早成非志所為也監試者異之

唐有童子科凡十歲以下能通一經及孝經論語每卷誦文十通者予官通七者與出身

廣德二年停童子歲貢大曆三年又復之仍每歲令本貫申送禮部同明經舉人之例考試訖奏聞十年再停之

開成三年敕諸道應薦萬言及童子朝廷設科取士門目至多有官者合詣吏曹未試者即歸禮部文詞學藝各盡其長此外更有招延則為冗長起今以後不得更有間薦俾由正路冀絕倖門

雖有是命而以童子為薦者比比有之

後唐莊宗同光三年禮部貢院奏今後童子委本州府
依諸色舉人例考試經解選省任稱鄉貢童子長吏不
能表薦若無本處解送本司不在考試之限

天成三年敕近年諸道解童子皆越常規或年齒漸高
或神情非俊或道字頗多訛舛或念書不合格文積成
乖敝此後應州府不考藝能濫發文解其逐處判官責
罰仍下貢院將解到童子精加考較須是年顏不高念
書合格道字分明卽放及第

長興元年敕童子準往例委諸道表薦不得解送每年

所放不得過十人仍所念書並須是正經不得以諸子
書虛成卷數及第後十一選集初任未得授親民官
周太祖廣順三年戶部侍郎權知貢舉趙上交奏童子
元念書二十四道今欲添念書通前五十道念及三十
道者放及第從之

宋真宗景德二年撫州進士晏殊年十四大名府進士
姜蓋年十二並長吏以聞至是亦召試殊詩賦各一篇
蓋詩六章賜殊進士出身蓋同學究出身後旨復召殊
試詩賦論嘉其敏贍擢授祕書省正字

王氏揮麈錄曰真宗實錄召試神童蔡伯稀授官
之後寂無所傳明清因於故書中得其奏狀一紙
云伏念臣先於大中祥符八年真宗皇帝遣內臣
毛昌達宣召賜對試誦真宗皇帝御製歌詩卽日
蒙恩釋褐授守祕書省正字臣遭遇之年方始三
歲及賜臣御詩云七閩山水多才俊三歲奇童出
盛時續蒙宣赴東宮侍仁宗皇帝讀書朝夕親近
頗歷歲年其後臣年一十七歲以家貧陳乞差遣
仁宗皇帝聖念矜憐特依所乞仍有旨餘人不得

援例自茲累厯任使今來本任至來年二月當滿
重念臣生事蕭條累族重大又無得力兒男可以
供侍一日捨祿無以爲生幸遇皇帝陛下至仁至
治無一物失所其於老者惠卹尤深臣以祥符八
年三歲甲子庚申卽未至衰老欲望聖慈特賜許
臣再任管句江州太平觀一任覬仍廩稍得養單
貧蓋元豐初計其年尙未七十司農少卿今之朝
議大夫也碌碌無所聞豈非聰明不及於前時邪
朱興仲續歸田錄云伯稀字景蕃與晏元獻俱五

六歲以神童侍仁宗於東宮元獻自幼梗介蔡最
柔媚每太子過門闌高者蔡伏地令太子履其背
而登既踐祚元獻被知遇至宰相蔡竟不大用以
舊恩常領郡頗不循法令或被劾取旨上識其姓
名必曰藩邸舊臣且令轉官凡更四朝元符初致
仕已八十歲矣監司薦之乞落致仕與宮祠其辭
略云蔡伯侺年八十歲食祿七十五年余謂人生
名位固可得罕得綿長如此者

按史言晏殊以景德二年召試年十四仁宗以大

中祥符三年生則仁宗有生之年殊年已十九今
謂殊與蔡伯稀俱以五六歲爲神童侍仁宗於東
宮誤矣

仁宗卽位以童子賜出身者凡十人寶元元年以爲無
補而罷之

神宗元豐時置在京小學有就傅初筮兩齋

徽宗政和四年小學生近千人尙有繼至者分十齋處
之增教論俸不許受束脩自八歲至十二歲率以誦經
書字多少差次補內舍上舍若能文從博士試本經小

經義各一道稍通補內舍優補上舍後曹芬以文優賜同上舍出身

崇寧五年參在京小學規約頒之州縣小學州隸教授縣隸學長其小學生皆自備餐錢附食至宣和罷其法童子科元豐以後賜出身者五人元祐時詔禮部自今請試童子誦書毋收接大觀後復其科賜補官者五人高宗建炎二年初試童子祖宗朝皆天子親試其命官免舉皆臨時取旨無常格也

孝宗淳熙八年始詔分爲三等凡全誦六經孝經語孟

及能文如大經義三道語孟義各一道或賦及詩各一首為上等與推恩誦書外能誦一經為中等免文解兩次止能誦六經語孟為下等免文解一次覆試不合格與賜帛

寧宗嘉定十四年詔自今歲取三人期以季春集闕下先試於國子監而中書覆試為定制焉

高宗一朝童子求試者三十有六人授官者五人

宗張採朱永免文解者一人
虎臣劉穀免文解者一人
章免文解者一人

始賜帛罷遣者九人
紹興三年四月兄弟童子三人
饒州江安國定國戴

文獻通考 卷三十五
六 川七川
松戴滋又張岳叟
岳卿未知何許人

惟朱虎臣者能排陣步射及誦七書

故補承信郎劉轂以小校子五歲善騎射故補校尉虎
臣浮梁人既召見又特賜金帶以寵異之此亦前所未
有

孝宗一朝童子求試者七十四人而命官者七人有呂
嗣興者衢州人也四歲能誦書切韻變四聲畫八卦上
召見面俾吟詩遂授右從政郎賜錢三百緡令伴皇孫
榮國公讀誦乾道八年春也又有臨川王克勤尤爲警
敏初命右從事郎廬陵李如圭三山林公洽何擢並右

迪功郎三山何致遠將仕郎廬陵郭洵直下州文學

光宗一朝童子求試者十七人無補官者惟從事郎吳

剛年九歲能誦六經語孟以壽聖親姪孫特改承務郎

仍依初補法壬子四月也晏元獻初以童子召試遂賜

出身令祕閣讀書久之卽以爲正字乾道末上踵故事

以臨川王克勤敏叔爲祕書省讀書制祿視正字之半

淳熙初上幸祕閣館職皆遷官選人改京秩有司言克

勤於上詔以爲文林郎久之臺官有言其過者遂除初

等職官後復以鎖廳中第爲太學博士自後未有繼者

自置童子科以來未有女童應試者自涪熙元年夏女童林幼玉求試中書後省挑試所誦經書四十三件並通詔特封孺人

吏道

西漢時以試吏入官

路温舒縣獄吏

衛青縣吏給事侯家

公孫弘獄吏

張湯長安

杜周廷尉史

王訢郡縣吏

陳萬年郡吏

于定國

龔勝郡吏

丙吉魯獄吏

趙廣漢郡吏

尹翁歸獄吏

張敞鄉有秩補太守卒史

王尊獄小吏

孫寶郡吏

何並

吏郡

薛宣

都船獄吏

朱博

亭長遷功曹

朱邑

嗇夫遷卒史

趙

禹

佐史

王温舒

亭長遷廷尉史

尹齊

以刀筆吏遷御史

減宣

佐史

嚴延年

郡吏

尹賞

郡吏

樓護

京兆吏

王吉

郡吏

鮑

宣

嗇夫補東州丞

焦延壽

郡吏察舉補小黃令

公非劉氏送焦千之序曰東西漢之時賢士長者

未嘗不仕郡縣也自曹掾書史馭吏亭長門幹街

卒游徼嗇夫盡儒生學士爲之才試於事情見於

物則賢不肖較然故遭事不惑則知其智犯難不

避則知其節臨財不私則知其廉應對不疑則知

其辯如此則察舉易而賢公卿大夫自此出矣今
時士與吏徒異物吏徒治文書給廝役戇愚無知
集詬無節乘閒窺隙詭法求貸笞罵僇辱安以爲
己物故無可以興善者而儒生學士之居於鄉里
不過閉門養高其外則游學四方以崇名譽然後
可以出羣過人矣而欲法前世一使郡縣議其行
而察舉之難矣

今按西都公卿士大夫或出於文學或出於吏道
亦由上之人並開二途以取人未嘗自爲抑揚偏